

GODIŠNJI IZVJEŠTAJ 2023.



Udruženje roditelja djece sa poteškoćama u razvoju
„Mala sirena“, Zavidovići

ŠTA KAŽU DRUGI O NAMA

NAŠI ČLANOVI

RODITELJI DJECE SA POTEŠKOĆAMA U RAZVOJU ❤️

Mala sirena naš je drugi dom, naša druga porodica. Otkako idemo u Sirenu na tretmane, vidjeli smo svjetlo na kraju tunela. Hvala Bogu naše dijete je počelo da izgovara sve više riječi, da bolje priča, više se razumije, komunikativnija je sa drugom djecom, voli druženja i raduje se svakom novom dolasku na tretman.

Za nas udruženje znači mnogo. Kao drugi dom i druga porodica. Naši zivoti a i život našeg djeteta se promijenio apsolutno skroz na bolje. Svaki dan nove riječi, dijete koje nikada nije izgovorilo riječi, nije se igralo, grlilo, ljubilo druge. Sada to sve radi bez problema, razumije sve što mu kažem. Najsretnija sam kada me dočeka sa osmijehom, zagrli me poljubi i izgovori MAMA. Nema veće sreće. Hvala vam za sve!

Zaista moram da pohvalim direktoricu Udruženja "Mala sirena" koliko ljubavi ulaže u Malu sirenu zajedno sa svojim timom. Divim ti se kako se nosiš sa svime. Ja sam majka djevojčice koja ide od avgusta na tretmane i zaista sam kratko u udruženju ali ono što iskreno mogu da kažem da je tim Male sirene moje srce davno kupio. Toliko ljubavi, poštovanja, razumjevanja na jednom mjestu dugo nisam osjetila. Kada te stvarnost ošamari tako jako da ti zvoni u ušima, što ti je potrebno od ljudi koje voliš? Većina nas želi istu stvar. Želimo znati da imamo nekoga tko je tu za nas, nekoga kome je stalo, nekoga tko će si uzeti vremena kako bi

shvatio kroz što prolazimo, tko će prepoznati našu bol i vidjeti kako jako patimo, tko će izdvojiti vrijeme za nas i dozvoliti nam da podijelimo svoje osjećaje bez da nas pokušavaju razvedriti ili natjerati da budemo hrabri pretvarajući se da je sve u redu, tko će nas podržati, tko će biti dobar prema nama i ponuditi nam pomoć, tko će nam svojim postupcima pokazati da nismo sami. "Mala Sirena" koliko pomaže našoj djeci isto tako i nama roditeljima su vodilja da zajedno koračama i pomognemo našoj djeci.

VIZIJA

Želimo postati centar koji će pružati sve potrebne stručne ali i druge vrste usluga za djecu sa poteškoćama u razvoju i članove njihovih porodica i postati partner javnih ustanova i donosioca odluka s ciljem potpune inkluzije osoba sa invaliditetom.

MISIJA

Udruženje roditelja djece s poteškoćama u razvoju „Mala sirena“ je osnovano s ciljem unapređenja kvaliteta života, medicinske i socijalne zaštite djece s poteškoćama u razvoju i njihovih porodica. Udruženje je socijalna i humanitarna organizacija za poboljšanje obrazovanja, rada, uključivanja u društveni svakodnevni život, zaštite, brige i raznih vidova pomoći djeci s poteškoćama u razvoju. Udruženje ovakvog tipa nije luksuz već potreba. Potreba da se postojeće znanje i sposobnost stavi na raspolaganje onima kojima je potrebno i kojima će biti od koristi je također razlog našeg postojanja. Mišljenja smo da svako živo ljudsko biće ima svoje potencijale, talenat i kreativnost, kao i potrebu da živi u zajednici s drugima. Naša moralna odgovornost nam nalaže da pomognemo i vodimo brigu o onima kojima je to potrebno. Naš cilj jeste razvijanje raznih oblika pomoći, kao i razvoj ličnog rasta i razvoja, razvoj vještina te normalno funkcioniranje kako djece s teškoćama u razvoju tako i njihovih roditelja, te ih na taj način uključiti u svakodnevni društveni život.

OSNOVNO O NAMA


Udruženje "Mala Sirena" iz Zavidovića je lokalna nevladina organizacija formirana 03.05.2012. sa ciljem inkluzije djece sa poteškoćama u razvoju u lokalnu zajednicu. Udruženje su pokrenuli roditelji djece sa poteškoćama u razvoju u pokušaju da zadovolje potrebe djece, ali i da razviju projekte i programe koji bi rezultirali adekvatnim politikama lokalne zajednice na pružanju socijalnih i obrazovnih mogućnosti za djecu sa poteškoćama u razvoju. Udruženje okuplja i pruža podršku za djecu i mlade sa poteškoćama u razvoju i članove njihovih porodica. Pri udruženju su angažovani stručnjaci različitih profila (defektolozi, psiholog, socijalni pedagog, odgajatelj, asistenti) koji realizuju aktivnosti sa korisnicima. Korisnicima je na raspolaganju kompletan set savremenih stručnih usluga koje su većinom nedostupne za ovu kategoriju djece čak i u velikim gradovima BiH. Sve usluge su besplatne za korisnike. Pored djece i porodica iz Zavidovića, usluge udruženja koriste iporodice iz Žepča, Maglaja i Tešnja. Udruženje je dobitnik sljedećih priznanja: priznanje općinskog načelnika „Pohvala za unapređenje života u društvenoj zajednici“ i UNICEF-ovo priznanje „Šampion inkluzije“ kao i zahvalnice Pedagoškog zavoda ZDK i mnogobrojnih drugih. Udruženje je kao odgovoran i pouzdan partner dobilo veliki broj pisama preporuke: Pismo preporuke USAID-a, UNICEF-a, Federalnog ministarstva zdravstva, IN Fondacije, Kantonalnog ministarstva rada i socijalne politike ZDK i Ministarstva za ljudska prava i izbjeglice.

REALIZOVANE AKTIVNOSTI U 2023. GODINI

Tokom 2023. godine Udruženje je realizovalo aktivnosti sa djecom i omladinom sa poteškoćama u razvoju i njihovim porodicama svaki radni dan u periodu od 8:00 do 16:00 sati.

Individualne stručne terapije

Ovu aktivnost smo organizovali u prostorijama udruženja svaki radni dan u periodu od 8:00 do 16:00 sati. Na osnovu procjene stručnog osoblja, djeca su bila uključena u redovan rad sa stručnjacima različitih profila: logopedski tretmani, defektološki tretmani, senzorna terapija i neurofeedback terapija. Ovo su usluge koje su dostupne u svega nekoliko gradova BiH.



Grupne stručne terapije

Rana intervencija – Ranu intervenciju su realizovala četiri terapeuta i asistent, radnim danima u periodu od 9:00 do 11:00 sati. Tokom boravka djece, realizovali smo niz aktivnosti kao što su imitacija uz pjesmicu, održavanje lične higijene, poligon sa preprekama, defektološki i logopedski tretmani, senzorna terapija te slobodna igra.

Inkluzivne igraonice – Inkluzivne igraonice su realizovali odgajatelj, terapeut i asistent radnim danima u periodu od 11:15 do 15:45 sati. U sklopu ove aktivnosti organizovali smo edukativno- kreativne igraonice za grupu djece sa poteškoćama u razvoju i djece tipičnog rasta i razvoja. Sa djecom se radilo po programu koji sadrži grupne aktivnosti (jutarnja pjesmica uz imitaciju, predstavljanje i pozdravljanje, jutarnja gimnastika, poligon ili igra u dvorištu, usmjerene aktivnosti gdje se sa djecom obrađuju razne teme i razvija fina motorika i čitanje priče a između aktivnosti slobodna igra). Terapeut i odgajatelj su vršili opservaciju djece u vršnjačkoj grupi i na osnovu opservacije pripremali različite aktivnosti za razvijanje dječijih vještina, interesovanja i talenata ali i smanjivanju “društveno neprihvatljivih ponašanja”.



Kratki boravak

Kratki boravak do 4 sata dnevno se organizovao po principu rezervacije prije na dan ili dva gdje su roditelji mogli ostaviti svoju djecu ili odraslu osobu sa poteškoćama u razvoju u prostorijama udruženja. U kratkom boravku s djecom su se organizovali edukativni sadržaji u skladu sa njihovim mogućnostima i interesovanjima, boravak u snoozel sobi, boravak u dvorištu, pružanje psihološke i socio- medicinske pomoći itd.



Kućne posjete

Psiholog i socijalni pedagog su realizovali kućne posjete za porodice koje imaju teško pokretnu ili nepokretnu djecu i odrasle.



Radionice za djecu i članove porodica

Organizovali smo terapije smijehom kreativne, edukativne i radionice sa psihologom za djecu, roditelje i članove porodica djece sa poteškoćama u razvoju.



Promotivna aktivnost "Kafa za sve"

Realizovali smo promotivnu aktivnost "Kafa za sve" u sklopu koje smo obilježili 11. rođendan Udruženja u Centru za kulturu gdje su naša djeca izvela bogat kulturno- umjetnički program.



Nabavka i svečano puštanje u rad trećeg neurofeedback aparata

Dana 9.11.2023. godine održana je svečana primopredaja i puštanje u rad trećeg neurofeedback aparata. Aparat i prateća oprema je donacija Republike Turske.



Ekskurzija izleta u Tuzlu , Vlašić i Malak farmu

Posjetili smo Tuzlu, Vlašić i Malak farmu i uživali u obilasku i predivnom druženju.



Teambuilding i edukacije osoblja udruženja

Osoblje Udruženja je pohađalo formalne i neformalne edukacije. Održali smo dva teambuildinga za osoblje udruženja.



Podjela bajramskih i novogodišnjih paketića za članove udruženja

Izvršena je podjela bajramskih i novogodišnjih paketića za članove udruženja.



Nastavak izgradnje objekta udruženja

U toku 2023. godine sažidan je i u potpunosti opremljen sprat objekta. Kroz kampanju ZAGRIJ PROSTORIJE – UTOPLI SRCE obezbijedena su sredstva za nabavku toplotne pumpe i razvođenje podnog grijanja u cijelom objektu.



Izrada web stranice inkluzija.online

Izradili smo web stranicu na kojoj će nastavnici, asistenti i roditelji moći preuzimati materijal za rad sa djecom sa poteškoćama u razvoju

Ostale aktivnosti

Organizovali smo treninge za nastavnike i asistente, radionice za Vijeća učenika osnovnih škola, inkluzivne radionice sa učenicima osnovnih i srednjih škola. Izradili smo veliki broj pravilnika i procedura, anketirali članstvo, osoblje i javnost, radili na podizanju svijesti javnosti kroz medijske nastupe i objave putem društvenih mreža. Uputili smo inicijativu prema Ministarstvu za rad, socijalnu politiku i izbjeglice ZDK i prema Ministarstvu za obrazovanje ZDK. Redovno smo pratili pozive za projekte i aplicirali na iste. Obilježili smo praznike osoba sa invaliditetom. Potpisali smo Memorandum o saradnji sa Islamic Relief. Učestvovali smo na trodnevnom bazaru rukotvorina i organizovali zabavu, druženje uz ručak i podjelu paketića za članove udruženja. Organizovali smo humanitarni koncert sevdalinki i humanirani iftar sa poznatim humanistom HI BABO.



BROJ KORISNIKA I VRSTA USLUGA

UKUPAN BROJ KORISNIKA	173
UKUPAN BROJ DJECE	133
UKUPAN BROJ RODITELJA	40

VRSTA USLUGE	BROJ KORISNIKA	BROJ PRUŽENIH USLUGA
KRATKI BORAVAK	17	58
DEFEKTOLOŠKI TRETMAN	51	2109
LOGOPEDSKI TRETMAN	69	1719
NEUROFEEDBACK TRETMAN	23	858
PODRŠKA U NASTAVI	3	235
SENZORNA TERAPIJA	39	788
RANA INTERVENCIJA	22	1133
INKLUZIVNA IGRAONICA	32	1494
SOCIOMEDICINSKA PODRŠKA	35	1057
PSIHOLOŠKA TERAPIJA	11	12
GRUPNA PSIHOLOŠKA TERAPIJA	16	18
PSIHOLOŠKA PODRŠKA NA TERENU	11	14
RADIONICE ZA DJECU I ODRASLE	57	118
KUĆNE POSJETE	14	16
OPSERVACIJE	49	83
PREVOZ	14	16
UKUPAN BROJ PRUŽENIH STRUČNIH USLUGA		9728

FINANSIRANJE AKTIVNOSTI

Udruženje je pratilo i redovno apliciralo na projektne pozive koji su bili u skladu sa ciljevima Udruženja. Navedene aktivnosti udruženja su realizovane zahvaljujući odobrenim projektima ali i mjesečnim sponzorima Udruženja, članovima prijateljima i donacijama pojedinaca.

POTPISANI ,DJELOMIČNO ILI U POTPUNOSTI REALIZOVANI PROJEKTI U TOKU 2023.GODINE

Naziv projekta	Projektne aktivnosti	Donator	Period provođenja
Servis centar za podršku porodicama djece i odraslih sa poteškoćama u razvoju "Mala sirena"	Individualni defektološki, logopedski, neurofeedback tretmani , senzorna terapija, inkluzivna igraonica i rana intervencija za djecu 2 do 4 godine starosti, kratki boravak, psihološka podrška, radionice, promotivne aktivnosti, asistenti u nastavi u prvom polugodištu	USAID/INSPIRE GRAD ZAVIDOVIĆI DONACIJE I ČLANARINE	1.1.2023.- 31.12.2023.
Therapiestation fur Kinder mit Entwicklungsschwierigkeiten"	Individualni defektološki, logopedski, neurofeedback tretmani , senzorna terapija, inkluzivna igraonica i rana intervencija za djecu 2 do 4 godine starosti.	RED CHARITY AUSTRIA DONACIJE I ČLANARINE	1.1.2023.- 31.12.2023.

Izgradnja objekta za rad sa djecom sa poteškoćama u razvoju	Izgradnja sprata, pokrivanje krovne terase sikom, opremanje unutrašnjosti sprata,	SWISS BARAKAH CHARITY SOBNA VRATA AUSTRONORM METAL Z-ZDICI ALMY D.O.O. EUROMARK TUZLA DONACIJE I ČLANARINE MIKRO KREDITNA ORGANIZACIJA MIKROFIN MIKROKREDITNA ORGANIZACIJA EKI SARAJEVO	1.1.2023.- 31.12.2023.
Inkluzijom djece sa poteškoćama u razvoju do inkluzivnog društva	Izrada didaktičkih setova za rad sa djecom sa poteškoćama u razvoju, izrada web stranice na kojoj će materijal biti dostupan svima koji ga žele koristiti, radionice za Vijeća učenika, treninzi za nastavnike i asistente, inkluzivne radionice za omladinu sa poteškoćama u razvoju, inkluzivne igraonice, Okrugli stol i obilježavanje Međunarodnog dana osoba sa invaliditetom.	AMBASADA SAD-a	24.7.2023.- 31.7.2023.
Osnaživanje ranjivih kategorija društva - prevencijom do zdravog načina života	Izleti, edukativne radionice za roditelje i djecu, kreativne radionice, radionice sa psihologom, terapije smijehom	FMON	15.9.2023.- 15.12.2023.

Izgradnja objekta za rad sa djecom sa poteškoćama u razvoju - ZAVRŠIMO KUĆU DJEČIJIH SNOVA, ZAJEDNO!	Opremanje dva wc-a (wc za osobe sa invaliditetom i standardni wc), opremanje stepeništa i terasa, trotoari, opremanje krovne terase (nepropusna betonska ploča i zidne obloge) i kanalizaciona mreža	FEDERALNO MINISTARSTVO RADA I SOCIJALNE POLITIKE	Realizovat će se početkom 2024.godine
Medicinska rehabilitacija djece i mladih sa cerebralnom paralizom i drugim teškim oboljenjima	Banjsko liječenje za 17 djece i mladih članova Udruženja „Mala sirena“ koji boluju od cerebralne paralize i drugih teških oboljenja, sa procentom invalidnosti od 90 do 100%	FEDERALNO MINISTARSTVO ZDRAVSTVA	Realizovat će se početkom 2024.godine
Improving lives of children with special needs in BiH	Izlet na Malak farmu	ISLAMIC RELIEF	7.10.2023.
Donacija peleta	Donacija peleta	AHMADIJA DŽEMAT	15.11.2023.
Zagrij prostorije - utopli srce	Razvođenje grijanja i nabavka toplotne pumpe	FONDACIJA TUZLANSKE ZAJEDNICE THE CURCH OF JESUS CHRIST OF LATTER – DAY SAINTS DONACIJE I ČLANARINE	12.5.2023.- 31.12.2023.

GRAD ZAVIDOVIĆI je sufinansirao projekte i redovne aktivnosti udruženja sa 41.500,00 KM (Tekući transfer za sufinansiranje troškova redovnog rada i projekata Udruženja „Mala sirena“ za 2023. godinu). ZDK je finansirao rad Udruženja sa 1.000,00 KM sredstvima namijenjenim za nabavku materijala za rad.

MEDIJSKI NASTUPI

Realizovane aktivnosti (fotografije i video snimke) smo redovno objavljivali na našoj fb stranici

<https://www.facebook.com/udruzenje.malasirena>

koju trenutno prati 8610 osoba i web stranici

www.malasirena.org.

Naše aktivnosti su medijski propratili FTV, BHRT ,HAYAT TV, Smart TV, Radio 1503 Zavidovići, zdici.info, snagalokalnog.ba, mreza-mira.net, radiosarajevo.ba i drugi internet portali.

ORGANIZACIONA STRUKTURA

Predsjednica skupštine:

Izabela Sinanović

Izvršna direktorica udruženja:

Adisa Mahovac

Upravni odbor:

Lejla Aljić (predsjednica UO),

Pava Ilić (član UO),

Adis Humkić (član UO),

Amela Bećirović (član UO)

Skupština Udruženja:

Redovni članovi Udruženja (roditelji
djece sa poteškoćama u razvoju)

OSOBLJE KOJE JE REALIZovalo

AKTIVNOSTI SA KORISNICIMA

- Edita Mahovac – defektolog-logoped - neurofeedback terapeut
- Ina Mahmutagić-Zukić – defektolog-logoped - neurofeedback terapeut
- Aida Aličić – psiholog - terapeut senzorne integracije
- Natali Džambo – logoped
- Melisa Mrđanović – socijalni pedagog
- Almina Mušić Fehrić – odgajatelj
- Adisa Dendić – asistent u radu sa djecom
- Adisa Ridžal Mukić – radni terapeut
- Amina Skopjaković – logoped

PRAVNA LICA DONATORI U 2023.GODINI

Autoservis AMEL **FESTIVAL TEPIH CENTAR**
TR Zavidovićanka **EF TIM Tuzlić**
Elba Sale connect point doo
Market Extra **ENA TEX doo**
INOPR Zijada Skejic DARILLO
Drinjaković doo Sarajevo **Fortin doo**
INOPR Humanitarna organizacija Milost
EBTEH TEŠANJ **INOPR ROLLINGERTEC S.A.**
Inžinjering 1 doo
Madi doo **Klas dd** **M-BIKE DOO** **MKD Mikrofin doo**
Mozzart doo **Natron Hayat** **Patriotski fenjer fund**
Privredno društvo Brković doo
Profil-isolation doo Žepče **TR Mima**
Medžlis islamske zajednice Zavidovići (sergija)
Udruženje privatnih predškolskih ustanova ZE DO kantona
Duzel Group doo **Valter elektro doo**
Humanitarni fond Atlanta **Svjetlost komerc dd**
METAL Z-ZDIĆI **Ured za društvenu brigu Rijaseta**
SOBNA VRATA AUSTRONORM **ALMY D.O.O.**
EUROMARK TUZLA **MIKRO KREDITNA ORGANIZACIJA**
MIKROF EMBAS GRAD
MIKROKREDITNA ORGANIZACIJA EKI SARAJEVO

Naziv podnosioca prijave (iz Rješenja o registraciji)	Sjedište podnosioca prijave (općina i kanton)	Identifikacijski broj
Udruženje roditelja djece sa poteškoćama u razvoju „Mala sirena“	Zavidovići, Zeničko-dobojski kanton	4218777270001
Broj transakcijskog računa	Naziv i sjedište banke	Ime i prezime odgovorne/ovlaštene osobe
1610000264040025	RAIFFEISEN BANK DD BOSNA I HERCEGOVINA GLAVNA FILIJALA ZENICA	Adisa Mahovac
Adresa podnosioca prijave	Telefon podnosioca prijave	E-mail podnosioca prijave
Ulica Abdul Vehaba Ilhamije bb 72220 Zavidovići	0038732877889 0038762078392	udruzenje.mala.sirena@hotmail.com